

INUIT ATAQATIGIIT

INATSIARTUNI



12. maj 2010

Inatsisartut Suleriaasianni § 36, imm. 1 naapertorlugu Naalakkersuisunut apeqqut imaattoq matumuuna saqqummiuppara:

(Inatsisartuni ilaasortaq Harald Bianco, Inuit Ataqtigiiit)

Apeqqut

Naalakkersuisut kalaallinut Danmarkimi najugaqartunut aappariittut katissimanertik pissutigalugu Danmarkimi najugaqalersimasunut aapparisaminnillu toqusoorsimasunut Kalaallit Nunatsinnullu uteqqikkusuttunut uternerminni angalanernut aningaasatigut tapiissuteqarsinnaanermut aammalu Kalaallit Nunaanni ineqarfissamik kiisalu inunnik isumaginninnermi ajunngitsorsiassanik pissarsiaqarnissamut ikiorsiinissamullu periarfissaqartitsippat?

Tungavilersuut

Soorlu apeqqummi ersersinneqartoq kalaaleqarpoq Danmarkimi angummik arnamilluunniit katissimanertik pissutigalugu najugaqartunik. Arlaleriarluta apeqquteqarfigineqartarpugut ilisimanerippat Namminersorlutik Oqartussat Danmarkimi najugaqartup katissimasami toquneratigut Nunatsinnullu uterusulernermi aningaasatigut inunnillu isumaginninnermi ikiorsiiffigineqarnissamik periarfissaqartitsinersut.

Uani eqqartorneqarput Danmarkimiit Kalaallit Nunatsinnut angalaneq aammalu Nuna-tsinni inissaqartitaaneq inunnillu ikiorsiissutigineqartartut.

Ikinngutinnersumik inuulluaqqusillunga

Harald Bianco

Inatsisartunut ilaasortaq, Inuit Ataqtigiiit